


تاریخہ عثمانی نفری



محرری :

احمد رفیق

درسعادت

مطبعہ عسکریہ — سلیمانہ

۱۳۳۱

تاریخده

عثمانلی نفری (*)



— ۱ —

تاریخده عثمانلی نفری بك بویوك بر نام قازانمشدر . عثمانلی نفری دیندار ، جسور ، ثباتكار ، متحمل ، فداكار و مطيعدر . دینی بر اطاعت عثمانلی نفرینی خارقه لر ابرازینه سوق ایدر . عثمانلی نفری چارپیشیر ، یورولماز — اورولور ، یرندن قیمدانااز ، و بتون غیرت و حمیتی ایله دشمن اوزرینه اوپله برصولتله آتیلیرکه ، چیقاردیغی صیحه نك علویت و مهاجرتی دشمنده هیچ بر زمان مقاومت بر اقاماز .

عثمانلی نفرینك بو اوصاف و خصائصی تاریخمیزك همان هر صحیفه سنده كوردولور : اك بویوك میدان محاربه لری ، اك شدتلی هجوملر ، اك مددش باصتینلر ، نفر شجاعتی ، نفر حماستی ایله طولودر . عثمانلیغك ایلك زمانلارنده ، سقاریه نك چیچكلی ویشیل وادیلری ، سوکود ایرماغنك سایه دار ساحالاری ، طومانیسچ یا بلاسنك مائی افتملری ، قره جه حصارك یوجه تپه لری ، قافله لرله عثمانلی نفرینك حماسسته شاهددر . صالتوق البلر ، غازی عبدالرحمانلر ،

(*) تاریخده عثمانلی پادشاهلریله بویوك سردارلرک منافی و ایراد ایله دكلری نطقلر ، فاضل محترم بروسه لی طاهر بك افندیك (مناقب حرب) عنوانی کزیده اثرلرله مندرجدر . اثر مذکورک مطالعه سی بالخاصه توصیه اولونور .

آق باشلار ، قره تكلر ، قره مرسلر ، حسن البلر ، هپ نفرلكدن يتشمش ، هپ جبارتلريله تميز ايتمش قهرمانلر يمزدر .

(آيدوس) قلمه سي بر عثمانلي نفرينك ، غازي عبدالرحمانك اثر فتحيدر . او زمانلر بوقلعه بيزانس ايمپراطورلغلك مهم موقعلرندى . اورخان غازينك فتوحاتى ايمپراطورلغلك پايختنه قدر ايلريله يوردى . سقاريه و پورصوق واديلرى ، يشيل صارماشيقلر طيرمانان قاياقلر ، ينبه و صارى چيچكلرله مزين منبت صحرالر هپ اورخان غازينك ممالكنه داخل اوليوردي . آخه قوجه (اذميد) ه طوغرو ايلريله يور ؛ قره مرسل ، ناهيله آكيلان ساحللىرى فتح ايدى يوردى . توركستانك بوزقيرلرندن ، لاله لر و يوكسك اوتلرله بزه نمش صحرالرندن كلن عثمانلى توركلرى ، شمى مائى بر دكنز ، ملون و مزهر بر افق قارشيسينده يكي بر حيات اكتساب ايدى يوردى . (آيدوس) قلعه سنيده ، بوسره ده ، قوكورالب قوشا تمشدى ، قوكورالبك معيتده قهرمان بر غازى ، قره عبدالرحمن واردى . عبدالرحمن اسمر بكنزلى ، اوزون بويلو ، قره قاشلى ، قاره بيقلى ، ياقيشيقلى بر بابا ييكتىدى . بوتون محاربيله دره آرقداشلىرىنىك اوكنه كچر ، بوتون غزالده ايلك اول كندى موفقيت تأمينه چاليشيردى . غازى عبدالرحمانك بو ايلك غزاسى دكلدى ؛ قوكورالبه ، عثمان غازينك مرد و قهرمان ييكتلريله دها بر چوق غزالده بولونمشدى . ياغيز آتلك اوزونده ، بلنده قيليجى ، آرقه سنده ياي و اوقدانلى ، كونلرجه ، يلچين دوينلرده ، صارپ قاياقلرده طولاشمش ، بيزانس تكفورلرينك قوه مغنويه دن محروم عسكرلرينه قارشى پارلاق موفقيتلر احراز ايله مشدى ،

او كون غازى عبدالرحمن ايچون شوق و سرور كونيدى . قلعه ، آبلوقه طرزنده قوشادلىشدى ؛ عثمانلى عسكرلرينك ساحللىرى يوكسك ديوارلى هجوم ايله ضبط ايتديره جك بر تأثيرى حائز دكلدى . اساساً بيزانسلىلرلك بر چوق قلعه لرى و اولا قوشادايلىر ، اطرافنده كى حاكم تپه لرله بالانغالريلا ييلور ،

قلعه نك خارجله مواصله سی کیلیبور ، صوگرا ، اهلینك آجلقدن بیتاب
قالدینی حس ایدیایر ایدلز، هجومه کیلیوردی . آیدوس قلعه سی ده بوضورتله
قوشادلمشدی .

غازی عبدالرحمن ، بو انتظار زمانلرندن بالاستفاده قلعه اطرافنده طولاً -
شیور ، اکثریا ، سورلره قدر یاقلاشیوردی .
بر کون ، قلعه جوارنده ، یوکسک بر تپه ده طولاشیرکن ، کوزل بر قیز
کورددی . بو ، قلعه بکنک قیزی ایدی . اوده غازی عبدالرحمانی کورمش ،
اطوار و اوضاعندن خوشلامشدی . او کوندن اعتباراً غازی عبدالرحمن
تپه دن اکسیک اولمایور ، قیزله کوروشمکه چالیشیوردی . نهایت عبدالرحمن بوامله
موفق اولدی . فقط اونک مقصدی باشقه ایدی ؛ اولاقیزک کوکلنی ، صوگرا
قلعه یی تسخیر ایتک فکر نده ایدی . بو دورده بر قلعه فتح ایتک ، بویوک
بر مملکت ضبط ایلهمک قدر اهمیتی حازدی . غازی عبدالرحمن بو شرف بالذات
نائل اولمق ایسته یوردی .

قره عبدالرحمن ، قلعه بکنک قیزی ایله اودرجه صمیمانه کوروشمکه باشلادی که ،
نهایت قیزی اقاع ایتدی ، قلعه نك آناختارلرینی آلمایه موفق اولدی . بو
موفقیّت ، غازی عبدالرحمن ایچون بویوک بر مظفریتدی . آرتق (آیدوس)
فتح ایدلش دیمکدی . فی الحقیقه ، غازی عبدالرحمن بر کیجه بوتون عسکرلری
ایشدن خبردار ایتش ، هپسینی پیشنه طاقش ، قلعه نك قایسینی آچارق عثمانلی
دلاورلرینی قلعه یه صومقشدی . (آیدوس) قلعه سی ، بو صورتله ، غازی
عبدالرحمانک تدبیری سایه سپنده فتح ایدلمشدی . قره عبدالرحمن مظفریتک
مکافاتنی کورمش ، قلعه بکنک قیزی ایله اولنش ، پارلاق بر ظفری مطنطن
بر دوکون تعقیب ایلهمشدی . (۷۲۶) .

مراد غازى زماندهده نفر غىرتى، نفرلرك درايتى پك يوكسكىدى. عثمانلىلر روم ايلينه كچىككن صوكراده قهرمان نفرلرك شجاعى سايه سنده پك چوق يرلر فتح ايتمشلردى . (صوفيه) نك فتحنه سبب ، ينه بر عثمانلى نفرى ايدى . بو جسور غازينك آدى ، اوزونجه سوندى ايدى .

اوزونجه سوندى ، (صوفيه) نك فتحنه مامور ايجه بالابانك معيتده ايدى . روم ايلينك ديكر نقطه لرى ده بويوك سردارلر طرفدن متواليا فتح اولونيوردى . (صوفيه) نك ده سريعا فتحى لازمدى . ايجه بالابان بونك ايچون بر تدبير دوشونيوردى . بو تدبيرى قهرمان بر نفر ، اوزونجه سوندى بولدى . سوندىك طوغانچى ايدى . غايت جسور و آوه مراقلى ايدى . اوزونجه سوندىك تدبيرى پك جراتكارانه ، حتى صوك درجه ده فداكارانه ايدى : سوندىك بر كون آرقداشلىرى آره سندن غائب اولدى . (صوفيه) نك سورلرندن ايچرى كيردى ، كمال تلاش ايله قوماندانك حضورينه چيقدى : عثمانلىلرله برابر قلعه نك محاصره سنه كلديكنى ، فقط كنديسنك جسور عسكلرلر ينه قارشى قوياميه جنى ايچون دخالت ايله ديكنى سويله دى . قوماندان ، اوزونجه سوندىك بو سوزلرينه قاندى ، كنديسنى حسن صورته قبول ايتدى ، حتى طوغانچيله ده كى مهارتى آكلايجه ، كنديسنه طوغانچى باشى نصب ايله دى .

اوزونجه سوندىك بوموفقيلردن نمون اوليور ، قوماندانك امنيتنى جلب ايتمكه چاليشيوردى . نهايت بر كون ، هوا آچيقدى . قوماندان اولانمق ايسته يوردى . اوزونجه سوندىكى چاغيردى ، ايكيلى برابر ، آوه چيقيديلر . عثمانلى نفرى درحال بو فرصتدن استفاده ايتمك ايسته دى . قارشيلرينه آنسرين بر او چيقدى . سوندىك قوماندانله برابر ، آوك ييشنه دوشدى ، اودرجه ده كه ، ايكيلى ده وار قوتلريله آتلىرىنى قوشديرديلر ، آو حرصى ايله (تاتار بازارچنى) ياقيننه قدر كلديلر .

آقسام اولمشدى؛ اورتالق قارار يوردى . هرايكىسى ايچونده كرى به دونك
مكن دكلىدى . اوزونجه سوندك بوفرستى غائب ايمىدى، اساساً عثمانلىلر
زهرلى طومش اولدقلىنى بيليوردى. مقصدى برهانه ايله قوماندانك ياندىن
آيرلىق ، ارقداشلىرىنى ايشدىن خبردار ايتك، صوفيه قوماندانى بوصورتله
اسير ايتدردكدن صوكرا ، قلعه نك تسليمى قولايلاشدبرمقدى .
اوزونجه سوندك هيچ طوزىنى بوزمادى ، كال اعتدال ايله قوماندانه
صوردى :

— آرتق دونه ميه جكز . آتلىمىز يمسز ؛ بزمده ميه جكمز يوق .
شوراده برتورك كوينه كيتسم ، بر آزيم وييه جك كيتسم ؟
قوماندان راضى اولدى . قهرمان نفر ، شوق وسرور ايچنده ، ايلرى
آتلىدى . عثمانلىلر ك طوپلاندقلىرى نقطه يه طوغرو سكيرتيركن ، اوكنه دلى
بالابان ايله غازى احمد چىقدى . سوندك مسئله نى اطرافيله آكلاتدى . كنديسنك
شمى كرى دونه جكنى ، قوماندانى بروسيله ايله اورمانه صافلاياجغى ،
صوكرا تكرار كندىلرينه خبر ويره جكنى سويله دى . بوتريباتى آير آلماز ،
كال تلاش ايله قوماندانك ياننه دوندى هم قوشيور . هم :
— آمان . توركار بزم بوراده اولديغىمىزى آكلاتمىلر !

دييه باغيرويوردى . قوماندان هيچان ايچنده قالمشدى نه ياياجغى شاشيريور ،
صافلاناحق برير آرايوردى . نهايت اوزونجه سرنك بوكاه برچاره بولدى :
— سنى بن براثوابه صاروب شو اورمانك ايچنه صاقلاييم ، توركار
كليرلسه كورمه سينلر . صوكرا كندىم طولوديزكن صوفيه يه كيده يم ، عسكر
كتيروب سنى قورتايريم .

ديدى ، قوماندان بوتديره راضى اولدى . اوزونجه سوندك قوماندانى
اثوابنه صاردى ، صارمالاتى . كندى ، آتته يندى ، طوغرو دلى بالابان
ايله غازى احمدك بولوندىلرى يره كلىدى . بر مدت صوكرا ، دلى بالابان

وغازی احمدله برابر ، تلاش ایچنده کری دوندی . اوزونجه سوندك حيله سنی
بلای ایتمه مك ایچون متأثر کورونیور :

— تورکربنی یا قالدیلر !

دیه سویله نیوردی . قوماندان آرتق صاقلاندینی یردن آیاغه قالمش ،
اوچ قهرمان اورتاسنده نه یایاجغنی شاشیرمشدی . برمدت صوکر ایدی که ،
بووقه (صوفیه) اها لیس طرفدن خبر آلدی ، قوماندانک اسیر دوشمه سی
خلق کوه مغویه سنی قیردی ، مقاومتک امکلسز اولدیغنی کورن صوفیه لیلر
تسلیم اولمقدن باشقه چاره بولامادیلر (۷۸۷) .

— ۳ —

عثمانلی نفرینک جسارتی ، فطری اولقله برابر ، دینی تأثیرلردنه آزاده
دکلدی . عثمانلی نفری کندینی دائماً تهلکه به آتار ، ارقداشلی ارسنده
بابا یکتینکله ، مردلکه شان قازانق ایستردی . اسلامیت عثمانلی نفرینک
جسارتنه باشقه بر شدت بخش ایله مشدی . شهادت ، نفر ایچون بویوک بر
سعادتی . غازیلک ایسه ، عمری اولدجه ، شان و شرفی آرتدیراجق علوی
و پارلاق بر نام مفخرتی . عثمانلی نفری بوفکرلر و بودوشونجه لرله تیشیردی .
استحقار موت ، آتسه صالیرمق ، غزاده طاش یاصدانوب تحمل
کوسترمک ، جسارتی اثبات ایچون ک زیاده بکله نیلن فرصتلردندی .
نفر ، یالکز تدیری رهبر اتحاد ایتیز ، ایجابنده کندینی آتسه آتارق
بویوک بر میدان محاربه سنک نتیجه سنی ده تأمینه موفق اولوردی . وارنه محاربه سی
جسور بر عثمانلی نفرینک شیرانه فدا کارلنی سایه سنده قازانیلمشدی .
ایکینجی سلطان مراد زمانده ایدی . حدودیمز بالقانلره قدرایلرله مشدی .
عثمانلی سطوتی اوروپای دهشته دوچار اییدیوردی . آوستریا و ماجارستانله

صلح عقد ایدلمشدی . سلطان مرادك بو مصالحه دن مقصدی ، ضبط ایله دیکی
یرلرده سلطنتی قوتلندیرمکدی . فقط دشمن بوکا فرصت ویرمه دی ،

پاپانك تشویقنه اویدی ، جسیم براردو ایله بالقانلره طوغری ایلریله دی .
سلطان مراد او انساده سلطنتی اوغلی ایکنجی سلطان محمد برافش ،
کندی (مغنیسیه) چکیلیمشدی . دشمنك بوحرکتی جسور پادشاهی بردنبه
فعالیت کتیردی ، سلطان مراد اردوسنك باشنه کچدی ، بالقانلره طوغرو
یورودی ، دشمنله (وارنه) ده چارپیشمایه باشلادی .

بو محاربه ، بزم ایچون حیات ممات مسئله سی ایدی . دشمنلریمز ، بزی
آلدیغیمز یرلردن ، کوزل روم ایلدن چیقارمق ، آناتولییه آتمق ایسته -
یورلردی .

اردومن مغلوب اولورسه ، عصرلردن بری بورالرده دوکدیکمز شهید
قانلری ، آتالریمیزك مقدس کیمکاری ، بابالریمیزك مزارلری خراب وهبا
اولاجق ، عثمانلی ناموسی فجیع بر صورتده لکله نه جکدی . فقط عثمانلیلر بوکا
میدان ویرمه دیلر ، (وارنه) ده فداکارانه چارپیشمایه باشلادیلر . محاربه
یتیمک بیلیموردی . ایکی طرفده بربرینه قیاسییه هجوم ایدیوردی یاغمورکی
او قلا یاغور ، تفشکر باطلایور ، هر طرف توز دومان ایچنده قالیوردی ،
بو دومانلارارسنده یالین قیلیجلر شمشک کی پارلایوردی . گاه دشمن سواریلری
بارکیرلریله برلکده ییغیلیور ، یارملی بارکیرلر محاربه خطلرینی یارییور ، اوکته
کلنی یۆمه سیریوردی .

گاه طوپر اقلر اوزورنده دشمن بکترینک قانلر ایچنده جان ویردکلی
کورولیوردی . دشمنی یکمک پک مشکلدی . عسکرلریمیزك هجوملرینه دشمنده
قارشی قویوردی .

محاربه نك اك قیزغین زماننده ایدی که ، جسور بر نفرک اوکته کلنی

یرلره سره درك ایلری یه طوغرو آتلدینی کورولدی . بو نفر قهرمان حضر
ایدی .

حضر ، آتی سرعته قوشدیردی ، بوفلاکت زماننده حضر کبی
یتشدی .

ألنده پالاسی ، پاریل پاریل یانیوردی . بردنبره ، دشمنك بر کومه سنه
صالدیردی ، بو کومه نك اورتاسنده دشمن قرالی طور ییوردی . اورتالق
بر مدت بر برینه قاریشدی ، قهرمان حضر اطرافنده کی دشمن عسکرلری
پارچالادی ، متین بر بازو ایله قرالی یاقالادی ، اولانجه قوتی ایله آتندن
آشاغی آلدی ، بر قیلینجده قافاسنی کسیدی . اوزینه هجوم ایدنلری بر بر
دویردی . ألنده قانلی بر باش ، قوشه قوشه سلطان مرادك حضورینه کلدی .
قهرمان حضرK بو جسارتی محاربه نك ظفرله نتیجه لئه سنه سبب اولدی :

سلطان مراد بو کسکک باشی بر قارغی یه صاپلاتدی ، دشمنك کوره بیله جکی
بر یره دیکدیردی . اوزمانه قدر جسارتله محاربه ایدن دشمن عسکرلری
قرالارینك کسيلمش باشی کورونجه ، بردنبره اورکیدیلر . هرکسك جسارتی
قیریلدی . ایچلرندن اك مشهور سرکرده لر بیله قاجایه باشلادی .

عثمانلی اردوسی ینه پارلاق بر ظفر قازامش ، بو ظفرده فداکار حضرK
بویوك تاثیر اولمشدی (۸۴۸) .



— ۴ —

وارنه محاربه سی غازی حضرK جسارتی سایه سنده موفقیتله نتیجه لندیکی
کبی ، استانبول محاصره سنده یالکنز بر عسکرK فداکارلنی جسم بر قولك
سورلدن کیرمه سنه یاردیم ایتدی . بو قول ، اوق میدانندن آیوانسرای اوکنه

اینیوردی . سلطان محمد استانبولی چپ چوره قوشا تمشدی .
 بر آیدن بری سورلره یاغورکی کولله یاغدیریلیور ، دیوارلر طراقه لرله
 ییقیدورودی . استانبول اطرافنده عظیم بر مجاهده واردی . بویوک بر عزیم ،
 مردانه بر عثمانلی عزیمی نهایت غالب اولمق ایسته یوردی . بو عزیمی شمدی یه
 قدر هیچ بر پادشاه کوسترما مشدی . هیچ بر حکمدار استانبولی فتحه موفق
 اولامامشدی ، هیچ بر اردو بو درجه بویوک بر فدار کارلقه املنه نائل اولمق
 ارزوسنی تعقیب ایتمه مشدی .

سلطان محمدی استانبول فتحه سوق ایدن ، یالکیز مادی منافع دکلدی ؛
 واقعا استانبول دنیانک اک کوزل شهری ایدی . یشیل تپه لر و ساحل لار ارسندن
 مائی صولرینی یوارلایان کنیش بوغازی ، براق دکرلرینی صاری ، قرمز ،
 پنبه ، مور ، لاجورد رنگلره سوسله یین دلنشین غروب لری ، مائی و صاف
 سماسی ایله « ایکی بحر آره سنده بر جوهر یکپاره » ایدی ؛ فقط سلطان محمد
 دها علوی ودها مقدس بر غایه تعقیب ایدیوردی .

رسول اکرم ! « استانبولی آلان سردار ، نه بویوک سرداردی ؛ استانبولی
 آلان اردو ، نه مبعجل بر اردودر . » بویورمشدی . سلطان محمد بو تبشیره
 مظهر اولمق ، شرق ایمپراطورلغک انقاضی اوزرنده محتشم و مدبدب بر عثمانلی
 سلطنتی قوروق ایسته یوردی . پادشاهک بو عزیمکارانه املی بوتون اردویه
 سرایت ایتمشدی . هر نفر قهرمانلغی کوسترمک ، سرداریک کوزینه کیرمک ،
 پارلاق بر ظفر نتیجه سنده غازی اولمق ایچون چالشیوردی .

ایوانسرای قارشیسنده کی قولده ده غیور بر نفر بتون ارقداش لری نه نمونه امتثال
 اولیوردی بونفر اولو آبادلی حسن ایدی .

حسن ، باشنده آق بر بویوک ، ارقه سنده اوزون بر لباس ، آیاغنده
 شالوار ، بر ائنده بالا ، بر ائنده قالقان ، بوتون ارقداش لری نیک اوکنه
 کچمشدی .

آرقه‌سنده اون سکنز کیشی واردی . هپسی ده بر آن اول دیوارلره طیرماتق، بورادن سورلرایچنه شاهینلر کچی اوجق ایسته یورلردی . هپسنگ ده یوزلری قیزارمش ، آنلری قان تر ایچنده قالمشدی . کوزلری سورک مازغالرینه دیکیمش ، بر برینی ایتهرک ایلرولورلردی . قارشیلرنده ، یزانسک کهنه سورلرندن اوقلر فیشقیریور ، طاشلر فیلا یور ، طوبلر پاطلا یوردی . بو مانعلرک هیچ ری عثمانلی نفرلرینی یوللرندن آلیقویامیوردی . هپسی ده بوتون قوتلریله ایلریلیورلر ، اوزرلرینه آتیلان طاشلرله بعضلری یرلره سربلیورلر ، ارقداشلرینک جسدلری اوزرندن ینه هدفلرینه طوغرو قوشیورلردی . حسن ، هپسنگ اوکنه کچمشدی . اون سکنز ارقداشندن همان کیمسه قالمامشدی . سورک اٹکلری قهرمان جسدلریله طولمشدی . طاش ، اوق ، قیلیچ ، قان وجسد ییغینلری قورقورنج بر منظره پیداییدیوردی . بومدهش منظره حسنک جسارتی قیرمیوردی . برزمان کلدی که ، حسن بردنبره سوره طیرماندی ، دیوارک اڭ اوست قسمنه قدر چیقدی ، تصادف ایتدیکی دشمنلری یورغون ویتاب قولیله یره سردی . بر از صوکر اغلبه لک و مسلح بر دشمن قارشیسنده یالکیز باشنه قالدی ، ینه قورقادی ، قارشی طور مق ایسته دی ، بویوک بر طاش صدمه سی ، آغیر بر ضربه قهرمان حسنی صارصدی ، توز دومان ایچنده سورلردن یوارلانندی . بردقیقه ، سورلرک ییقیق مازغالرینه طوغرو کیرلی بر توز بوبولوطی یوکسلدی ، بوبولوطک ایچنده بر قیلیچ لمعه سی پارلادی . حسن تکرار ایاعه قالمشدی ، سوره طیرماتق ، دشمنلرینی مطلقانه له مک ایستیوردی .

اوقلر یاغیور ، طاشلر مخوف بر سرعتله فیلا یور ، آرده ده صرده طوب باریلتیلری فرق ایدیلیوردی . بو کورولتولر حسنی تدهیش ایتمه دی ، فقط بر دقیقه صوکر امدهش بر طاش و اوق طوفانی آلتنده قالدی .

بر آئنده بالاسی ، او بر آئنده قانقانی سینیه سی قانلر ایچنده یرلره سربله دی .
 بو فداکارلق نتیجه سز قلملادی : حسنك آچدینی یول ، ظفر یولی ایدی ؛
 بورادن بوتون قول ایلریله یور ، کمال شرفله شهره داخل اولیوردی . قهرمان
 حسن فدای جان ایتش ، منسوب اولدینی قولك جسارتی آرتدیرمش ،
 اوکا شانلی بر ظفر یولی آچشدی (۸۵۷) .

— ۵ —

فاتح دورندن صوگرا عثمانلی نفری بویوک و محشم سفرلرک شانلی بر قهرمانی
 ایدی . آرتق اونك پارلاق بر ماضیسی واردی : قوصوه ، نیکبولی ،
 وارنه ، استانبول ظفرلری مسلسل و مدبدب بر آبدء غالییت ایدی . او
 دورده ، هیچ برملک تاریخ عسکریسی بودرجه پارلاق مفاخرله مالی دکلدی قهرمان
 سلیم بو محشم ظفر آبدء لرینه ایکی پارلاق و بایداراکیل وضع ایتشدی .
 مرج دابق وریدانیه ، عثمانلی نفرینک قیمتی ، عثمانلی اردوسنك مهابتی بوتون
 جهانیه تسلیم ایتدیرمشدی . عثمانلی اردوسنی مصر اهراملری اره سنده عصرلر
 تماشا ایدیوردی .

بر زمان کلدی که ، آسیایی قیلنجنه بویون اکدیرن نفرلر ، مهاج اووا -
 لرنده ، طونه بویلرنده ده کورلدی ، اوزمان بر نفر ، بر قهرمان ایدی . طونه ، تپسه ،
 سکتوار ، جکسرولن ، یانق ، او یوار اوکلری عثمانلی آقینجیلریله طولمشدی
 (بودین) ك (بیچ) قابیسندن یاغیر بر آته بینمش ، باشنده مغفری ، بلند
 پلاسی آرقه سنده طولغاسی ، رنکارنک انوابلریله آقینجی نفرلرک کمال وقارایله
 (قانیژه) طرفلرینه طوغرو سکیرتدکلری کورولوردی . اوزمان ، بر عثمانلی
 نفرینک عننده جان نه کمتدی ! دل و باش المق ، سردن کچدی یازملق ،
 غنائم الدء ایتک ، ترقی کورمک ، تیمار صاحبی اولمق ، هر نفرک وظیفه سی

ومكافاتی ایدی . عثمانلی نفری شو قناعتی حاصل ایله مشدی که ، جهانك هبیچ بر عسکری کنديسنه معادل دکلدی ، هبیچ بر حکومتی کندی دولته فائق اولامازدی . خلافت ، سلطنت ، مهابت ، دبده ، حشمت ، طعنه ، ثروت ، هپ « سعادتلو پادشاه حضرتلرنده » ایدی . نفر اونك بر قولی ، فداکار ومطیع بر بنده سی ایدی . پادشاه اوغورنده « جان و باش ایله » چالیشمق اونك ایچون مقدس بر وظیفه ایدی .

عثمانلی نفری بو وظیفه نی بحق ایفا ایدردی . سلطان سلیمان ویانه نی ایلك دفعه محاصره یه عزم ایتمشدی . سبی ، فرانسه قرالی برنجی فرانسوانك انتقامی آلمقدی .

فرانسوانك والده سی سلیمان قانونی یه مکتوبلر یازمشدی ، استر حاملرده بولونمش ، اوغلنك محبسدن خلاصی ایچون چالیشمشدی . اوزمانلر عثمانلیلر جهان سیاسته حاکمدی ، عثمانلی اردوسی جهانك اک مهیب قوتی ایدی ، عثمانلی دوناماسی هند صولرینه قدر بوتون دکزلره حاکمدی . بارباروسک قیلنجی آق دکزك مائی صولری اوزرنده هلاک ظفرینی اعلان ایدیوردی . دنیانك اوچ معظم قطعه سی اورتاسنده نجم وهلال اولانجه شعشه سیله پارلا یوردی .

« خاقان البرین والبحرین » عنوانی بوتون خطبه لرده اهل اسلامك قولاقلرینی طولدیریمه ، کوکسارینی سرور ومفتخرتله قاباتیوردی . سلطان سلیمان بویوک اردوسیله ویانه اوکلرینه کلدیکی زمان ، دشمنلری قورقو ایچنده قالمشردی . فقط پادشاهك مقصدی باشقه ایدی : او یالکیز فردیناندی تأدیپ ایتك ایسته یوردی حتی بو مقصده منی آغیر محاصره طولبرینی کتیرمه مشدی . مع مافیه محاصره یه اولانجه شدتی ایله دوام ایدیوردی . دشمن متدایاً خروج حرکتلری یاپیوردی .

بو خروجلارك برنده ایدی که ، بش عثمانلی نفری دشمن طرفندن اسیر ایدلدی . بشی ده ایچری به ، قلعه قوماندانك حضورینه کتیرلدی دشمنك بوندن مقصدی ، عثمانلی نفرلرینی صیقیشدیرمق ، اولنره اك آغیرجزالر یایمق ، بو سایه ده اردومزك قوتنه ، قوماندانلریمزك احواله دائر معلومات آلمقدی . بش قهرمان ، هیچ طورلرینی بوزمادن ، آیاقده طورییورلردی . قلعه قوماندانی سرت بر طورله صوردی :

— سز هانکی پاشانك معیتده ایدیکیز ؟

هیچ جواب ویرمدیلر . قلعه قوماندانك یوزینه صوغوق قانله باقیورلر ، حدتلرینی باقیشلریله بلالی ایدیورلردی . قوماندان دوام ایتدی :

— سزه سولیورم . اردوکز قوتلیمی ایدی ، نه قدردی ؟

سکوت . قلعه قوماندانی فداکار نفرلردن هیچ بر معلومات آلامیوردی . نهایت صبر ایده مه دی . بش عثمانلی نفرینی اذیتله ، اولومله تهدید ایتدی . قهرمان نفرلر اردولرینك ضررینه دشمنه معلومات ویرمك ایسته میورلر ، اردولرینه اهانت ایتمکدنسه ، اولومی ترجیح ایدیورلردی . بو صورتله اولمهی ده مردانه بولیورلردی .

دشمن قوماندانی عثمانلی نفرلرینك بو ثباتی کورونجه ، حیرت ایتدی ؛ فقط حدتی ده بر درلو ضبط ایده مه دی ، یاننده کیلره امر ویردی ، جسم چواللر کتیرتدی ، اوزمان اورتالق بر لحظه بر برینه قاریشدی : دشمنك دوت بش نفری عثمانلی غازیلرینی برور یاقالادی . ضربلر ، یومروقلر ، اذیتلره هپسی بر چواله طولیدیلدی ، طونه نك بولانیق صولرینه آتیلدی . دشمن بو غدارانه حرکتی ایله قهرمانانه ده حرمت ایتدی . بو بش قهرمان مردانه فدای جان ایتدی ؛ فقط دشمن ده ، اردومزك قوتنه غیر واقف ، شاشقین و متردانه خروجلر اجرا ایتدی ، هر حرکتده بیکارجه تلفات ویرمکه مجبور اولدی (۹۳۶) .

عثمانی نفری یالکیز تعرضده مهارت کوسترمزدی : مدافعه دهده عقله
حیرت ویره جک جسارتلر ابراز ایدردی . اساساً قانونی سلطان سلیمان
دورینک صوک زمانلرینه قدر اردومن هپ تعرضیده ایدی . عثمانی نفر
تمام ایکی یوز الی بش سنه تعرضدن تعرضه کچمشدی . مدافعه ده قالماسی ،
دولتک توقف دورینه تصادف ایتشدی . اوزمان ، دشمنلریمزک بزه قارشى
تعرضلری باشلامشدی . عثمانی نفری بو تعرضلری ده فداکارانه پوسکورتدی ،
الدینی قلعه لری دشمنک فائق قوتلرینه قارشى وقورانه مدافعه ایتدی .
نفرلریمز تعرضده کوستردکاری اوصافی مدافعه دهده ابراز ایتدیلر .

(استرغون) محاصره سنده ایدی (۱۰۰۲) . اوچنجی سلطان محمد
زماننده آچیلان آوستریا سفری بوتون شدتیه دوام ایدیوردی . استرغون
مدافعلری دشمنک فائق قوتلرینه شدتله مقابله ایدیورلردی . بو مدافعه
آنی بر حادته ایله سکنته دار اولدی :

استرغون خرسیتیلری کاملاً دشمنه التحاق ایتشاردی . دشمن استرغون
محاصره سنی کندکجه شدتلتدیریور ، سورلره کونده ایکی بیکه یاقین مرمری آتیوردی .
قلعه یه طیشاریدن یکیکچریلر ، حصار آرلری ، قایقلره یکیکچری کوندریلیور ،
هیچ بر موفقیت حاصل اولامیوردی . بونکله برابر قلعه یی مدافعه ایدن
غازیلر بویوک بر متانت کوستریورلردی . دشمنک هر هجومی کایتلی تلفات ایله
قیریلیور ، سورک اوکاری نعلشلره طولیوردی . هر ایکی طرف ده جسارت
کوسترمکدن خالی قالمایوردی . دشمنک ایری کولله لرله قلعه دیوارلری
یقیلیور ، بر چوق یرلری خاک ایله یکسان اولیوردی .

دشمن ، قلعه دیوارلرینک ییقیلدیغنی کورونجه بستیون جسارتلندی ،
استرغونک فداکار مدافعلرینه خبر کوندردی :

— اوپر قلعہ لر کجی سزده قلعہ یی ویره ایله ویرک ، کندیکز صاغ
چیقک ! دیدی . استرغون قهرمانلری بو تکلیفی شدتله رد ایتدیلر :

— بز روم ایلی غازیلری ، ایچ ایل بهادرلریوز . ویره بیلمز !
بو جواب دشمنی شاشیرتدی . غازیلر شمدی دها مصرانه مدافعه
ایدیورلردی . دشمن ، قلعہ یی سلاح قوتیله آلامیه جغنی آکلانجه لطیفه یه
باشلادی . بعضاً قلعہ مدافعلرینه :

— ایشته تاتار عسکریکز قابلو بغه یه بینمش ، امدادیکزه کلور .

دیه خبر کوندرتیور ، اونلرده بالمقابله :

— کوررسز ! بوکون یارین (بودین) دن عسکر بی پایان امداده
کلور ، بزه خبر کلدی . خذیریلر ، بز لر سزی قابلو بغه یه بیندیروب جهنمه

یوللارز ایله یوللارز !
دیه لطیفه ایدیورلردی . غازیلریمز ، قلعہ یی ترک ایتمه مکہ قرار
ویرمشلردی .

بر زمان اولدی مکہ ، دشمن قلعہ یی آلمق ایچون زورلوهجوم اجرا ایتدی .
قوماندانلری اک آرقه ده ایدی ؛ عسکری اوکنه قاتمش ، شدتله ، قیرباحله
سوریوردی . غازیلردن بر قسمی استرغون بکنک اطرافنه طوپلانمشلر ،
دشمنک ایلریله ییشنی سیر ایدیورلردی . استرغون بکی دشمنک ضابطلری
اوکنده زورله ایلریله دیکنی کورونجه ، موفقیته بر چاره بولدی . ضابطلری
اولدیرلدیکی تقدیرده بونلرک یرلرندن قیملدامیه جقلرینی آکلادی یاننده کی غازیلر
بردنبره تکلیف ایتدی ؛

— شو ملعون یره دوشسه جمله کفار دوزر . هر کیم اوره بیلورسه ،
بلوک و سنجاق ، نه دیلرسه ویریلور .

اطرافنده کی غازیلر بردنبره ایرکیلدیلر . ایچلرندن عمان ، کوزلرینی
دشمنه طوغرو دیکدی . نشانچیلغنه صوک درجه کووه نیوردی . دشمنک

ضابطی بر مریمده دویره جکنی عقلی کسیدی ، بردنبره ایلری به فیرلادی ،
النده کی جزایر تفشکنی ایجه نشانلادی :

— یا الله ! دیبه بر یاغلی فندق آتدی ، ضابطی تام کوکسندن
اوردی ، تپه سی اوزری آتسندن اشاغی یوارلادی . آرتق ظفر تأمین
اونونمشدی . ضابطک سوروب کتیردیکی عسکر فرار ایدیوردی .
غازیلر بردنبره طیشاری فیرلادیلر ، قاچان دشمنلری مهادیا قیردیلر ،
بو صورتله بوتون هجوملره نهایت ویردیلر .

غازی عثمان بودیندن یازلش ، مرد و جسور بر بابایکیتدی . بر تک
قورشونله ارقداشلرینی قورتارمش ، منسوب اولدینی قطعه نك شرفی
آرتدیرمشدی (۱۰۰۲) .

— ۷ —

عثمانی نفرلری یالکز بولوندقلری قلعهلری مدافعه ایتمزلر ، اکثریادشمن
قلعهلرینه اسیر کیتدکلری زمان او قلعهنك تسلیمنی ده قولایلاشدیرمایه
چالیشیرلردی . اسارت ، عثمانی نفرینك جسارتی قیرماز ، بالعکس حماستی
آرتدیرردی عثمانی نفری ، اسیر بولوندینی زمان ، اسارت آلتنده اولمکدنسه
بولوندینی قلعه یی زیروزر ایتمک و یا دشمنی اغفال ایدرک اردوسنك مظفریتی
قولایلاشدیرمق چاره لرینی آراددی .

(قانیژه) قلعهنك سردار ابراهیم پاشا طرفندن محاصره سی هنکامنده
ایدی (۱۰۰۹) ، دشمن متعدد خروجلر یاپیور ، هر خروجی غازیلریمز
طرفندن پوسکور تولیوردی . بو خروجلردن برنده ، قهرمان نفرلریمزدن
بری دشمن الینه اسیردوشمششدی . دشمن ، بوتون اسیرلرکی ، اونیده قلعهنك ایچ

طرفه کونورم شدى . ایچریده ، اسیرلری بر لحظه بوش بر اقمیوردی . ابراهیم پاشا معیتده کی دلاورلر مؤثر طوپ مر میلریله (قانیژه) دیوارلرینی ییقدیجه ، دشمن هپ بزم عسکرلریمزدن اسیر اولانلری کوندیریور ، طوپلریمزک آچیدینی کدیکلری اونلره تعمیر ایتدیریوردی . طوپلریمزک آتشنه قارشى اونلری یوللایور ، کندی عسکرینی تلف ایتدیرمک ویا یورمق ایسته میوردی .

بر کیجه ، اسیر غازیلردن برینی کدیک تعمیرینه مأمور ایتشدی . بوغازی ، غایت جسور و فداکار ایدی . اساساً هیچ بر شیدن ییلمادی . ایچون ایلری به آتیش ، دشمنه اسیر دوشم شدى . قهرمان نفر او کیجه آرتق هر شیئی یایمايه قرار ویرم شدى .

هوا آچیدى . کیجه نک خفیف قرانلغندن قارشیده ، قهرمان اردوسنک ایشیقلرینی کوریوردی . هر یر سکون ایچنده ایدی . مهتاب اورتالنی آیدینلا تیوردی ؛ ایک اون بشی ایدی . کیجه نک بو سکونی ایچنده ، نفر آغر آغر ، ییقیق کدیکه طوغرو ایلریلیوردی . قویاً مضطربدی ؛ بو حرکت اونک نظرنده اردوسنه قارشى اهانتدی . قهرمان عثمانیلرک ظفر یولی اوزرینه طاش طولدیرمق ، بو ظفر و غالییت یولنی قایماق اوکا یک آغر کلیوردی . بولده ، متأثر و دلخون ، ایلریلرکن کوزی دشمنک جیخانه لکنه ایلشدی : قانی آراقیدی . اطرافده هیچ بر نوبتی کورولیوردی . جیخانه لکک یاننده قوماندانک اوطورماسنه مخصوص کارگیر بر کوشک ، یاننده ایک بویوک قوله واردی . جیخانه نک یاننده بر زندان بناسی کورولیوردی که ، ایچنده یوزلرجه انسان قابلی ایدی . قهرمان نفر کدیکه طوغرو ایلریله دی ، اوراده ، دیگر ارقداشلیله برابر ، قوشلق وقتنه قدر وظیفه سنی کوردی . آرتق هر شیئه قرار ویرم شدى . دونوشده باروتخانه یه بر قیل بر اقاچق اورالری برهوا ایده جکدی .

قوشلق وقتنه طوغرو ایدی . هیچ کیمسه یه کورونمهدن جیخانه لکک
 یانندن چکدی ، ایچری یه یانمش بر قیل براقدی ، صوکر کال سرعتله
 اوزاقلاشدی . جیخانه ده بیک قطار باروت واردی . بر قاچ دقیقه صوکر
 اورتالقدده عظیم بر صدا قویدی ، انسان کوکده سی قدر ایری طاشلرک
 و طوبراقلرک هوایه قالدینی کورولدی . ایکی ساعت قدر اورتالقی توز
 و دومان قاپلادی . بو مدهش دوماندن کوزکوزی کورمز اولدی .
 (قانیزه) قلعه سنک الک مهم قسمی پریشان انقاض حالده کورولیوردی .
 بو فداکارلق ابراهیم پاشانک ایشنی فوق العاده قولایلاشدیردی . فداکار
 غازی کندی تهلکه یه آتمش ، فقط جسارتی و مردلکی ایله شانلی اردوسنی
 متین بر قلعه یه صاحب ایتشدی .

— ۸ —

عثمانلی نفرلری اردولرینک سلامتی ایچون اولومی استحقار ایدرلردی .
 غزا میدانی اونلرایچون شهامت و ارلک میدانی ایدی . قولقلرینی و ارلکلرینی
 الک زیاده محاربه میداننده کوسترلردی . سفرلرده پادشاهدن صوکر الک زیاده
 حرمت ایتدکاری سیما ، سردار ایدی . سردار ، پادشاهک وکیلی ، غزا وظفرده
 اونلرک رهبری ایدی . جسارت و دلاورلکه سردارک کوزینه کیرمک ،
 عثمانلی نفرینک ذهنتی اشغال ایدن یکانه دوشونجه ایدی . محاربه ده یالکز
 اردوسی ایچون دکل ، ایجابنده سرداری ایچونده جانی فدا ایدردی .
 قوجه سنان پاشانک افلاق سفرنده (۱۰۰۴) ، اردومز بویوک فلاکتله
 معروض اولمشدی . پاشالردن بر چوقلری باطالچده قالمشلردی . افلاق
 باطالرنده فجیع بر هرج و مرج حکم فرما اولیور ، دشمنک تعقیبی بو پریشانلی
 بر قات دها آرتدیریوردی . بو صروده سردار قوجه سنان پاشاده باطاعه

دوشمندی . کاه یوریور، کاه باتیور ، عظیم بر فلاکت ایچنده ، نه پاه جتی
 شاشیریوردی . بوسرده جسور بر نفر، دلی حسن، کنندی باطاغه آتمش، سرداری
 صرته آلب سلامته چیقارمندی . دلی حسن او کوندن اعتبارا (باطاچی) نامیله
 آکیلش ، بالا خره قویوچی مرادپاشایه دلی باشی اولمندی .
 عثمانلی نفرلری فلاکت زماننده بوتون مهارتلرینی کوسترلردی . (قانیژه) فتح
 اولونوبده محافظه سنه تیریایکی حسن پاشا تعین اولوندیغی زمان ، دشمن قاعه یی
 تکرار آلمایه تشبث ایتمندی . ایشته اوزمان حسن پاشانک مشهور مدافعه سی
 هرکی حیرتلر ایچنده بر اقمندی . بو مدافعه نك باشلیجه قهرمانلری ارسنده
 ینه يك مهم سیالار واردی، اولرده ینه جسور و ماهر نفرلردی، محصور
 قلعه دن سردار حسن پاشایه ، بلغراده مکتوب کوتورمک جسارتی کوسترن
 قره پنجه ، قلعه ده طوبیجیلریمزه باروت یتشدیرن ، طوب مرملری آلتنده
 کمال اعتدال ایله باروت یابان اوزون احمد ، دشمنی مؤثر آتشلرله حصیر کپی
 برلره سرن طوبیجی اینجه قره احمد ، هپ سرحد غازیلری ، هپ عثمانلی
 غضنفرلری ایدی ، تیریایکی حسن پاشانک متانت و تدبیری آنجق بو دلاور ،
 مرد ، شجاع ، آرسلان یوره کلی ، حقیقی عثمانیلرک غیرتی سایه سنده
 مظفریتله تتوج ایتمندی (۱۰۱۰) .

— ۹ —

اون برنجی عصر هجریده دولتمزك نظاملری ، داخلی اداره سی بوزو -
 لشدی ؛ فقط جنك وغزا میداننده عثمانلی نفرینك اوصافه ینه خلل کله -
 مندی . سنه لرحه توالی ایدن سرای عصیانلری اردوده فردی جسارتلرک
 اظهارینه اودرجه مانع اولامامندی ؛ جسارت عثمانلی نفرنده جبلی ایدی .
 بر نفر آنجق بو مزیتی ایله دلاورلکینی ، یکچریلکینی اثبات ایده بیلیردی .